



Ullut pingajuannit eqikkaaneq

Ataatsimut oqallinneq nal.: 09.15

Tunngavissiissutini sammisani naleqqiullugit apeqqutitut, oqaaseqaatitut siunnersuutitullu ilusilinnik nunaqarfinit najugaqarfinniillu mikinernit saqqummiussat. Oqallinneq imaqarniliorneqarpoq.

Per Ole Frederiksen, Attu

Naalakkersuisunut assingigiittunut apeqqut: suliffissaqartitsisarnermut eqqarsaatigalugu, inimut akiligassat, attartornermut, imermut kiassarnermullu akiligassat, depositumillu akiligassat, qaammaterpaaluit suliffeqanngeriarluni akiligassat imaannaangillat.

Meeqqeriveqarneq, atuarfeqarnerlu, suliatorallarnerup nalaani meeqqat atualernissaanut tunngatillugu ilaatigut killilimmik inissiffeqartarput

Jens Erik Kirkegaard: Sinaakkutit taakku atugassarititat unamminartuupput, iliuusissat ugartorpagut. Suliatorallaraanni atugassarititat, soorlu Qasigianguani Uummannamilu Royal Greenland suliatorallartitsivoq, ilaanni iluatsippoq ilaannut iluatsinnani, aaqqqiissutissat ugartorpagut, sulianut eqqarsaatinullu ilaavoq.

Jonathan Jakobsen, Qeqertarsuatsiaat

Ungasianiit ilinniartitaaneq pimoorullugu misissuiffigisaq ingerlatinniaqqullugu, kommuneqarfik Sermersuumi atuligaq. Kapisilinni atuarfimmuut pulaarpugut, ilinniartitsisoq, atuartitsisoq atuartullu pulaarpugut, ilinniartitsisussaaleqinermut iluaqut.

Henriette Josefsen, Alluitsup Paa

Jens Erik Kirkegaardip oqaasia. Kujataani suliffissuit ingerlanneqarneri pillugit, kujataani Qaqortumi Nanortalimmilu Alluitsup Paanilu ataatsimooraluartut, islandimiunit pisiaritittut. Islandimiut Nanortalimmi aallartitsisut. Alluitsup paanilu ingerlani, tamaani qanoq piniarneqarpa? Suliffissaaleqinermut, atuartullu angerlaannartarneranut tunngatillugu, Kommune Kujallermi Narsaq, Qaqortoq immikkut peqaramik. Ilaqutariippakuluut uniinnarsimasut suliffissaaleqisut amerlapput. Sullissivik illoqarfinni kommuneni computereqarput, nunaqarfinni sullissivinni pilersinniarsigit. Nunaqarfinni sulisinnaasut suiffissaaleqisut sisamaannaat sisamaannaangillat 20t sinneqqasarput, naqitsittartut.

Jørgen Wæver Johansen: Suliffissanik pilersitsinissaq pingaarnerpaajuvoq Naalakkersuisut peqatigalugit Alluitsup Paani suliffissuaaqqap ammatinannissaa 1000tons pisassiissuteqartoqarnikuuvoq. Aalisarneq aallartissooq junip aallartinnerani, aalisartussat atortussanik pissarsiornikuupput. Suliffissat pilersinneqarsinnaassapput

Apollo Mathiasen, Saattut

Tassa arlaanni taperseerusunnaqaaq. Maannakkut ammaatilerpagut kineserit suliatorortalernissaat. Taakkua meeqqanut akilersuutinut akilersuinaviangillat, sulinissaat oqittuaraavoq. Ukioq naallugu maaniinnaviangillat. Imminut akilersinnaavoq. Kisianni kalaaleq meeraqarpoq. Illoqarpoq, akilersugassaqarpoq, ulapaarfik qaangiuppat angerlartussaavoq. Pitsaaneruvoq sulinngikkuma, allamik suliasarsiorlunga. Sulisussaaleqineq. Iluittuusiorluni sulisussarsiorneq maanna orninneqarpoq, suliffissuarni sulisussat akissarsiasaat minnerpaamiipput. Aamma aasarsiuulaarusussaangut. Suliffissuarmi tassani suliaroqqajaqaanga,

periarfissarititaasut ikkunneqartuuppata. Suliffissaaleqisut 4000iupput, imminut akilersinnaanngillat sulinissaat. Atorfiliittat sulipput akissarsiangissaaramik.

Anton Petersen, Ikerasaarsuk

Nunaqarfinni nalunngilarput tunitsiviit pingaaruteqartut. Pilersuisoq eqqarasatigalgu pisiniarfinni siunnersuisoqatigiivisa pilersinneqarsimani torrallataavoq. Suliffiit eqqarsaatigalugit, suliffinnut taakkununga nunaqarfimmiut peqataatinneqarnerusuuuppata. Tunitsiviit uneqattaarpallaaratik suliffiit ingerlaannartuuppata. Suliffissaaleqineq annikillisarneqarsinnaaniassamat. Minnerusuni taasinnaasatsinni suliffeqarfiit ingerlalluarneranik kinguneqarsinnaasumik. Siunnersuutigaara, suliffissaaleqinermut minnerulersitsisinnaasoq.

Ejner Jakobsen, Arsuk

Suliffissaaleqinermut tunngatillugu eqqarsaat; Sulisartorpassuit robotinik taarserneqarnikuuneri siornatigut eqqarsaatigalugit. Piareersarfiit ingerlaneranni, sulilersitsinniaanermi, inuit ilinniarluarsimasunik sanileqalersinnaaneri. Aappaattut internetip akia aalajangersimalertuuppat, nunatsinni avataaniit nutserinermik suliaqarsinnaaneq periarfissaavoq.

Hans Sakariassen, Nutaarmiut.

Qujassut. Naatsunnguamik oqaaseqarniarpunga, qujanaqaaq nunaqarfiit siumut ingerlariaqqinnissaannut periarfissinneqarmata. Politikkerillu qanimut naapillugit nuanneqaaq. Ingerlatsisoqarmallu neriuuteqarpugut.

Rasmus Eliassen,

Kaammattuut, praktikkerfissat amigaataapput, nunaqarfinni misissuisoqarnissaat kissaatigaara. Terminalarbejderit nunaqarfinni praktikkersinnaapput. Tamakkua misissuiffiqineqarnissaat kaammattuutigaara.

Benigne Løvstrøm,

Siullermik. Fabrikkitta ammarneqarnissaa kissaatigaara. Atuarfikut marluk atorunnaarnikut qinnutiginiukuugut meeqqerivittut, aappaa inuusuttunut ornittagassatut kissaatiginikuupput. Nunatsinni ilinniarsimasunik soqanngilavut. Kissaatigisarpagut ilinniarsimasut. Oqaatsini danskisut, tuluttut pikkorittut. Timelæret nikassarnianngilakka, pikkorissartarnerit ingerlanneqartariaqarput.

Angerlarsimaffimmi ikiortit aamma pikkorissartalernissaat kissaatiginiarpara, amigaataammat.

Josef Motzfeldt, Igaliku

Jens-Eriup avammut nioqqutissat annertusarnissaanik oqaasia isumaqatigaara. Aamma nunatta iluani pilersuinissaq, innuttaasut pisussaaffittut annertuumik isigisariaqarparput. Piareersarfiit pisariaqartinneqarneri annertusoq, piareersarfinni atorfissaqartitsineq qanoq annertutigaa? Procentinngorlugu atuarfimiit anisartut qassiuppat piareersarfimmut qinnuteqartartut? Meeqqat atuarfianni pissarsiakippallaarneq ajornartorsiutit ilagivaat.

Jens-Erik Kirkegaard:

Illumoorpoq, avammut nioqqutissat annertusarlugit, eqqussukkallu annikillisarneqarnissaat. Procentitai eqqaamaqqissaanngilakka. Inersimasut aamma meeqqatik ilaanni atuaqatigisarpaat. Ilaanni naapitassaapput imaattutu, aatsaat 40nik ukioqarpunga soormi ilinniaruma, inuusuttuulutik meerartaajaarsimasut. Illumoorpoq,

sapinngisamik meeqqat atuarianni ilinniarfinnut ingerlaqqittarnissaat anguniangassaavoq. Immikkut iliuuseqaqqaarluni ingerlariaqqissinnaasut iliuuseqarfigineqartariaqarput.

Helga Sigurdsen, Ikerasak

SIK-miit ilaasoqarnersoq naluara, taanna amigaatigaara. Nunaqarfinni allaffinni suliffissaaleqisoqartarput. Sulisartut SIKip akunnermusiaat aallavigalugit akissarsiallit naluara SIPimut ilaasortaanersut. SIPimut ilaasortarpassuit qanormita sulisitsisuminnit atugassaqartinneqarpat. SIPimut oqaloqatigineqanngiivillutik soraarsitaasarput, pisortap qanoq ittueneri apeqqutaallutik. Suliffissaqaraluarlutik sulerusunngittut, qanoq paasinianeqarpat. Sulisitsisuuvunga, pikkorissarneqarusuppunga SIPimut ilaasortat pillugit.

Jens Erik Kirkegaard: Naalackersuisuunermi sulinermut sinaakkutit suliaaraavut. KNTimiit saqqummiussinermini, suliffeqarfimmik aallartitsiniarnermi SIKimik isumaqatiginninniarnert suliarineqassasut takutinneqarpoq. Sulisartut sulisitsisullu akunnerminni aaqqisarput, Isiginiarneqartariaqarpoq sulisitseriaaseq. Sulisartuq suliumanngitsutut isiginiarneqassanngilaq. Sulisartuq ullut tamaasa suliarortarpoq.

Jakob Josefsen, Kapisillit

Nunaqarfinni suliffiit taaneqartartillugit, eqqaneqarpianngitsoq unaavoq, tunitsiveeqqat atugassarititaasut innaallagiaqarnikkut aamma imeqarnikkut, akit illoqarfinnut naleqqussarneqarnissaat. Nunaqarfimmiilluni nikinganermik illoqarfimmiunit. Takorloorneqartariaqarsoraara. Nunaqarfinni atugarissaaruteqartuni imermik, tankimilluunnit atuisunit, oliefyrikin atuisut. Ajutoornerini illoqarfimmiut tikinnerini iluarsineqarsinnaapput. Ajortikkiartuaaginnartartut nunaqarfinni iluarsaassisinnaasunik ilinniartitsisoqartalersinnaannginnerluni?

TUSAATISSATUT TIGUAAT

Ludvig Sakæussen, Sarfannguit

Ungasianiit atuartitsineq siaruartinneqartariaqarpoq. Ilinniarsimangissuseq suliffissaaleqinerlu annertuallaaqaaq. Kinamiunit taarserneqariartornissaq, tamanna niaqqunni inissaqartinngilara. Kalaallit suliffissaaleqisut tusartuarpagut. Sulileqqusagut suliassaqanngitsut. Suliffissaqartitsiniutinianarnguit ukiup affaani ingerlasut qatsunnarput. Suleqataarusuttuaannarpugut, aningaasartai killeqartuaannarput. Ajornartorsiutigut ikioqatigiiffiginiartigit.

Jens Erik Kirkegaard:

Nunaqavissut salliutinneqartut, kineserinit taarserneqarnianngillat. Nunatsinni sulisartut suliffeqarfiillu salliutinneqassasut isumaqatiginninniarnermi. Qeqertarsuatsiaani aatsitassarsiortut kujataani suliffeqarfimmit suliniut sanaartorneqassaaq. Isukasiani 3000t sinneqartut sulisartut pisariaqartinneqarput avataaniit, sanaartoreerunik angerlartussat. Taamaalilluni paaaffittaa aallartippat sapinngisamik nunatsinneersut sulisorineqassapput, suliniummiit suliniummut assigiinngitsuupput. London Miningimut allaaneruvoq.

Edvard Frederiksen, Oqaatsut

Nunaqarfimmi aqutsisunut qinigaasugut, nunaqarfimmi suliniutissanut siunnersuuteqartarpugut, teknikkeqarfimmut ingerlaqqittarput tassaniilu nalilersorneqartarlutik. Periuseq arriippallaarujussuarpoq. Aallaaviusarput nunaqarfimmi suliarisinnaasagut. Eqqaavitsigut ajornartorsiut, takussunartut. Eqqaavinnut tunngatillugu eqqaavigissaaneq nunaqarfiup iluani takujuminarsaaneq qanoq

pilersaaruteqartoqarpa. Siunnersuutit nunaqarfimmut tunngasut sukkanerusumik suliarineqartarnissaat kissaatigaara.

Borgmester Ole Dorph: Taqqi ilumoorpoq, nunaqarfinni aqutsisut akisussaaffeqanngitsutut inissisimasut akisussaaffilerneqassapput, sulinissartillu akisussaffigalugu. Kinguarsaatit aaqqissuagut. Eqqaaveqarnermut pilersaarut 174 millionit iluanni atugassanik pissarsivoq, nunaqarfinni aqutsisut suleqatigisut aaqqissuagut.

EQIKKANEQ

Jens-Erik Kirkegaard

Nunatsinni apeqqutigineqartarpoq, aningaasat suminngaaniit aaneqassanersut. Akiligassarnut aningaasat suminngaaniit aaneqassappat. Ataaseq oqartoq tusarnikuuara ima: amuortarfimminukariarluni ningitseriarluni aningaasat aassuai. Atorluarpagut aalisakkat. Atorluarnerusariaqarpagut. Aatsitassat saneqqussinnaangilagut, pisuussutit tummaariinnarnagit iluaqutiginiartigit. Iliuutsit tiguneqartut tusallattaarlugit nuannaarutigivara. Royal Greenlandip iliuusai tusarfigaavut, Jørgen Wæverip aamma kujataani pisussat oqaatigivai. Nunatta namminiilivikkiartuaarnerani inuit pisinnaassusillit nukerujussuallit, sinaakkutit pitsaasut suliarigutsigit, alloriarneq angusinnaassuarput.

Ataatsimut oqallinneq nal.: 11.05

Tunngavissiissutini sammisani naleqqiullugit apeqqutitut, oqaaseqaatitut siunnersuutitullu ilusilinnik nunaqarfinnit najugaqarfinniillu mikinernit saqqummiussat. Oqallinneq imaqarniliorneqarpoq.

Mikael Nielsen, Qeqertaq

Meerartavut siunissavut pitsaasumik siunertaqartariaqarput. Ajornartorsiutaavoq ilinniartitsisussaaleqineq, taanna Qeqertami ajornartorsiutigaarput, timelæret qujanaqaat sullissimmata. Ilinniartitsisussanik nuutsitsiniartarneq qanormita pilerinarninngorsarneqarsinnaava? Inissaqarniarneri atugassarititaasullu illoqarfinnut naleqqiullugu allaanerulluinnarput. Nunaqarfimmiissangaanni suna tamarmi suliaaavoq. Nunaqarfinni imi kuuinnanngilaq. Tamakkunuuna suut suliniutaappat. Meeqqeriveqarnikkut aamma. Suliffissuaqarpugut, illunili paarsisuinnaqartarput. Ilinniartitsiniarnermi piareersarfikkut suut tunuliaqutaappat

Nick Nielsen: Meeqqeriveqarneq iliuuseqarfigissavarput, 30 millionit illikartinneqarput, kommunellu suleqatigalugit sanasoqassaaq, kommunit aamma 30 millioninik aningaasaliissapput. 60 millionit atorlugit meeqqeriviliortoqassaaq. Ilinniartitsisussaaleqineq aamma tassani kommune suleqatigalutigit ingerlattariaqarparput, kommunalbestyrelset akisussaaffigivaat. Ilinniartitsisut pingitsaalillugit nunaqarfiliartissinnaanngilavut, timelæret ilinniartitsisunnguinnikkaluarlutik ilinniartinneqarsinnaanerit, alimasissumik ilinniartitsinikkut ikorfartorlugit pitsaanermik ilinniartitsineq anguniarneqarnissaa sulissutigissavaat.

NUIKI Palle Lennert: Nunaqarfiit toqqaaviginiarnerini aallaaviusarput, atuartitsisoqarnikkut inissisimaffik. Atuarfeqarfinni allatseqarfiit ikiortigalugit, atuartitsiviusup avataatigut nukissaqarnersut kivitsinissaminnut atuartitsisarnissaminnut. Ilinniartitsisuuariaqanngillat. Taakkua toqqartarpagut suleqatigissallugit

Magnus Petersen, Kullorsuaq:

Kalaallti pikkoriffigaat timersorneq, siunissarput aamma nunaqarfimmiortagut ilaatigut piginnaaneqarluartut. Ilinniartitaanikkummita qanoq taakku siunnerfigineqarpat. Kalaallit Nunaanni timersornikkut ilinniarfiliornissamut.

Nick Nielsen: Tassa aamma kulturikkut iliuusissatut periusissiaq ukiamut naamassissooq, tassani timersorneq sammineqarpoq. Ilinniarfissap pilersinnissaa taaneqarani oqariartuutigineqarpoq, timersortartut assersuutigalugu arsallaqqittut, peqatigiiffigilerinermilu pikkoriffillit pilersaarusionerit aqqutigalugit pikkorissaasinaasut ilinniartitsisinnaasullu ammaassiffigerusuppagut. Ilinniarfimmik pilersitsinngikkaluarluta pikkorissaasinanernerit aqqutissiullugit.

Margrethe Nielsen

Nersuerusuppunga suliniutaannut, neriuppunga iluatsissasut. Ilageeqarnermut Naalackersuisoq peqataariarmat apeqqutissaqarpunga. Iliveqarfimmut nutaamik aningaasaliisoqarsimanersoq apererusuppunga. Iliveqarfissamik qinnuteqaralaratta. Tassuuna aningaasaliiva?

Nick Nielsen; Kommuneni pilersaarusionermiippat. Ilageeqarnermi sanngiittumik inissisimavugut. Ilagiinni pilersaarusionerit aamma sulineq aqqqissuuteqqittariaqarpoq. Ilagiit sinnisai oqartussaaffeqanngitsut. Ilagiit tassaappat qinikkat, oqaluffik nukittuumik inissisimalluni. Ilagiit oqaluffiup ingerlanerani nukittorsarneqartariaqarput. Aqqqissuuteqqinneqarnissat pillugu siunnersuuteqassaanga.

Justus Poulsen, Kulusuk

Meeqqat siunissaraavut. Aamma uani takutinneqarmat paasineqarpoq nunaqarfimmiut matematikkimi angusarissaartut, meeqqat meeqqerivimmiinninngaanniit ilinniarneq aallartittarpaat. Kisianni sulii aggerfitsinniit nunaqarfiit tamarmik meeqqeriveqanngillat, Kulusummi atuarfimmi nalunngisara malillugu tusaamasaavoq, meeqqeriveqanngikkaluarluta dagpleje atorparput. Tusaaqqunarpoq, ingerlalluartut tamakkua amingaateqartut sulissutigineqaqqunissaat. Praktikkernissamut tunngasoq eqqaaneqarpoq. Nunaqarfitsinni suliffeqarpugut, mittarfik, kommune, KNImi aamma suliffik. Taamaattumik aningaasarpasuit atorlugit illoqarfimmut aallartitaasarpuit, suliffiit nunaqarfimmiittut atorluarneqarnissaanut kaammattuuteqarpunga. Ukuninnga NUIKImut suliniutillit nukittorsarniaritsi.

Per Ole Fredeiksen, Attu

Nick Nielsenip saqqummiussineranut tunngatillugu, nukittoqqutigit ukuugunarput, Kalaallit Nunaanni inoqaleqqaarmalli, kalaallit matematikkernermut assassornermut pikkoriffeqarmata, qaanniornikkut, kamiliornikkut, meterilersunngikkaluarluta, tamanna matematikkernermut pikkorinnitsinnut tunngaviusinnaavoq. Biologit kisimik tusaaneqartarnerat uparuartarparput, atuisut aamma tusaaneqarnerulernissaat inuussutissarsiorinnikkut aalisarnikkut piniarnikkut pisassiisarnermi atuisut ilisimasaat atorineqartalernissaat utaqkikkatapparpuit. Kingunerai qilalukkat ima ikatsigaat, ullormunngooq qalerallit tusind tonsi nerisarpaat. Kalaallit ilisimasaat atorineqarluassasoq!

Jonathan Jakobsen, Qeqertarsuatsiaat

Ilinniartitaaneq annertuumik pisariaqartitaasoq, atuarfinit kisimi kivinneqarsinnaanngilaq. Suliffeqarfissuit CSR imik imminnut nalunaaqqutserlutik nittarsaattut, inuiaqatigiinni akisussaasut, pisussaaffigaat ilinniartitseqataanissat. KNIP siullermik ingerlaneranni ilinniartitsinermik pilersissimasaat. Piumasarineqalernissa kissaatiginarpoq.

Henriette Josefesen

Nick Nielsenimut apeqqut, meeqqat atuarfiat naammassingaanni ilinnialertarneq praktikkerfissaqarani, ukioq ataaseq ilinnialersinnaasut, itisililaaruk tamanna praktikkerfissaleqisarnermut tunngavoq. Aamma meeqqeriviit sulii akisuallaaqaat.

Nick Nielsen: Siunissami aqqissuusseqqinnerit, meeqqat atuarfiani piumasaqaatit naammassisimangaanni assassorluni ilinniarneq, tassani toqqammaviumik ilinniarnissaq ukioq ataaseq ingerlanneqartalissaaq. Ukioq ataaseq qaangiuppat siunnerfigalugu praktikkerfissaq ujarneqassaaq. CSR imalt. Ullumikkut atorineqartoq skolepraktikkertarneq, taamaattumik aqqissuussinermi, illorput 2100 atuarfimmit suliarineqarpoq. Sanaartortitsisuuvugut, ilinniartuuteqarsinnaanerup isumaa annerusumik eqqummaariffigisariaqarparput, uuttuutitut suliariumannittussarsioraangatta atortariaqarparput praktikkerfissat.

Charlotte Filemonsén,

Inuttut ajornartorsiutit eqqarsaatigalugit inuttut inerikkiartorneq timenik tunineqarnerusinnaavaoq. Sarfannuani sanaartorneqassapput naatsiianni naatitsinerit, meeqqerivinni atorineqartussat, allanut aamma ingerlateqqikkusunnarput, kolligiariartortartut eqqarsaatigalugit angajoqqaat suleqatigiinnerullutik, kolligiariartortut amerlanerussammata.

Boas Boassen, Kuummiut

Oqartarput nunaqarfinni ilinniartitaaneq appasinnerusoq, ilinniartitsisutut sulisimallunga nalunngilara. Ilinniartitsisut ilinniarsimasut sullarissusaat apeqqutaavoq. Aamma puigornagu meeqqat atuarfiat iluamik ingerlassappat angajoqqaat. Meeqqat sulisinnaanerinit sunnuteqartarput. Innajaartinneqartartut, nerisaqartinneqartut angusarissaartarput. Nunaqarfimmi angusat illoqarfinniit pitsaannerusut.

Regine Olsvig, Naajaat

Isumaqarpunga atuartup ilisimasariaqaraa sunaluunniit anguneqarsinnaasoq piumassuseqaraanni, aamma perorsaanerimi killiliisinnaaneq pingaaruteqarpoq. Malunnarpoq Upernavimmut kolligiami akisussaaffilersorneqaraangamik artulertaraat.

Tom Mølgård, Kitsissuarsuit

Nick Nielsenimut apeqqut: Qanittumi inatsisartut ataatsimiinneranni ilinniartut ininut tapiiffigineqartarneri unitsinniarneqartut, angajoqqaarpassuuvugut ilinniartuutillit, taava taakkuuappunaasiit eqqorneqartussat. Tapiiffigineqarneq isumaqartorujussuovoq ilinniartumut, tamannami nammatassiisarmat. Nunaqarfimmiut eqqungaaqqissapput. Suliniarnikkut isertitakinnerupput, piniartuungama pisaqanngikkuma taava pissaatikinnerussaavut. Aalisarnermut piniarnermullu inuussutissarsiutinut sinniisoq, KNAPKimiit malinnaasoq saqqummiinngimmat uggoraarput.

Nick Nielsen: Paatsoorneq, ilinniagaqarnermusiat eqqartorneqarnerini paatsoortoqarpoq. Ilinniagaqarnermusiat qaffannissaat eqqartorparput. Oqariartuutigaara aaqqissuusseqqinnermi, ilinniartut aningaasarsiakkaat taakku iniminnut akiliinerusarsinnaapput. Ilinniartoq ilinniarnermi saniani sulisaruni allannguuteqassanngilaq. Ilinniartoq qanoq akissarsiaqassava? Misissorparput. Ilinniartoq 300,000 kronesiaqartaruni iniminut 800 kronemik akiliisassavaa? 120,000-inik akissarsisarput ilaat aasaanerani sulisarsimagunik. Ilinniartulli annerusumik akissarsiallit qanoq aaqqissuusiffigineqassappat.

Tønnes Kreutzmann, Kangaamiut

Nickimut apeqqut, assassorluni ilinniarneq, ukiup ataatsip iluani inissiineq. Sanasumut ukiut sisamat. Ukiog ataaseq aalajangerniarnissamat atuartitsineq. Ukiut tallimat ilinniarnermik kinguneqassava?

Pallemut apeqqut: Piareersarfinnut qinnuteqartut nunaqarfimmiut itigartinneqartartut kisitsisaatigaasigit?

Nick: Sivitsorneqassanngilaq. Sanasunngorniap elektrikerinngorniat kisitseqatigisinnaavatit. Toqqammaviusumik ilinniarneq, ataatsimoorfiusoq eqqunniarneqarpoq. Aalajanginngikkaluarlugu ingerlaffissaq. Grundforløbimik taaneqarsinnaasoq. Piumasaqaatit naammassisimannikkaanni piukkunnarsaqqaarfik. Taakkununnga sivilisunerusumik ilinniaqqaartoqartariaqarpoq piukkunnarsarluni. Ilusilersorniaarput.

Palle Lennert: Tønnesip apeqqutaanut, naluara nuna tamakkerlugu kisitsisaatigineqarnerisut, Kangaatsiamut qinnuteqartut inissat 20inut, illoqarfimmiit 18t atualerput 4 nunaqarfinniit. Qinnuteqartut 60t.

EQIKKAANEQ Nick Nielsen

Qujanaq, ilinniartitaaneq eqqartorneqartillugu oqallinneq soqutiginarparpoq. Ilinniartitaanerimi ilinniagaqarnermusiat pillugit apeqqutit aamma. Pilersaarussiaq siunnerfimmik takutitsillissasoq, taamatut atorneqarnisaa toqqammaviuniarumaartoq. Ataasiarnerani qaqinneqarpoq ilinniartitsisussaaleqineq eqqumaffigeqqissaarpara.

Ilinniartitsisut pinngitsaalillugit nunaqarfimmut nuutsissinnangilavut, pilerinarsarsinnaavagut. Kommunet suleqatigalugit. Isumaqarpunga pingaaruteqartoq nunaqarfiit eqqartorneqartillugit timelærerpassuit tikinnikuusakka, ukiut 20 sulisut pikkorissarneqarnissaat aqputissiuunneqarsimanngitsut, taakku iliuuseqarfiginissaat eqqarsaatigisariaqarparput. Ilinniartunngoqqaartariaqarputit, ilinniartitsisup piginnaasaqarnisaa, pikkorittuuniissaa. Timelærenik pikkorissanissaq toqqammavissiuukkusupparput. Alimasissumik ilinniartitsineq ukiorpassuarni ingerlanniarpaput. Iluatsinnera ukiuni tulluuttuni oqaatigineqarsinnasariaqarpoq. Tassuuna qulakkiissaaq atuartitsineq pitsaanerusoq nunaqarfinni. Nuannaarutigivara annerusumik angerlarsimaffiit toqqissisimasup aamma nukittorsarneqarnissaa sulissutigineqarusuttoq. Suleriaqqiffissatta aallaavigaa. Angerlarsimaffik toqqissisimasoq piunngippat taava akisussaaffimmik kivitsisinnangilavut. Perorsaanermi ilinniartut atuagarsornermi pikkorrissoq, angerlarsimaffimmi toqqissisimanngikkuit, taava suna periarfissaraajuk, taava kommonemut saaffiginissuutit, ilinniartoqarfimmi ikiorneqarnissat aaqqissuunneqassaat.